

同治鄞縣志

第一二冊

鄞縣志卷三十五

人物傳十

明四

陳槐字公輔

○案福建通志作公甫

號半湖

張子瑄聞見漫錄序

生有異質慷慨任天

下事

甬上耆舊傳

弱冠魁鄉薦登宏治十八年進士

嘉靖志

正德四年

知松溪縣

福建通志

泣事明敏手不停批

建甯府志

適歲饑倉無積儲乃

行勸分之法令各鄉大戶與饑民互相覈實立約調濟俟秋成

後或還大戶散本或力役以作償民皆悅服

聞見漫錄

復慮坑課累

民設法分納

建甯志

大興學舍朝夕督課

嘉靖志

文章政事一時推

冠

聞志

時劉瑾用事巨璫奉璽書至諸令長靡不懾競以餌啗獨

槐不爲餌陞刑部主事去士民祠祀之其在刑部多所平反如

白王氏七年殺夫之冤折皇親九奏爭地之擾乃其大者積資

陞武昌知府汰酷吏翦豪右歸王府侵田於民奪鎮守私侵湖

課尋以病乞休并條陳十三事疏三上乃允正德十三年用薦

起知撫州未數月頌聲作復以病乞休明年六月

嘉靖志

宸濠反

報至人情訥訥槐已在告五十日丞久攝事家人趣槐曰可以

行矣槐奮起曰國家有急若以解官爲辭臣罪當死卽出縛濠

使斬之手焚僞檄於通衢

○案耆舊傳原有濠反報至東鄆盜王浩八卽日嘯聚槐發兵襲殺浩八

一節誤也明史俞諫傳正德八年浩八叛諫督諸軍討之遂擒浩八槐撰聞見漫錄亦云正德閒東鄉民王浩八倡亂至煩朝

廷遣將平定則非身主其事明矣東鄉爲縣名而耆舊傳改爲東鄆亦非也故刪之時郡縣意懷觀望尙

稱甯王槐移檄斥言逆濠倡亂神人共憤凡知人臣大義宜共

戮力卽請都御史王守仁節制願爲犄角會守仁已會諸道兵

討賊破南昌

耆舊傳

槐前哨通判鄒琥等統兵三千守德勝永和

二門親率兵六千臨進賢門金谿兵掠鍾靈王府槐收七人斬

示營中

聞見漫錄

次日迎擊宸濠湖上槐為領哨官

耆舊傳

與通判胡

堯元等張疑設伏賊先鋒至樵舍風帆蔽江知府伍文定當其

前都指揮余恩繼其後賊鼓噪逼黃家渡氣驕甚文定佯北以

致之賊爭進趨利前後不相及知府邢珣從後橫擊貫其中賊

敗走文定恩乘之四面伏兵亦呼噪竝起遂大潰退保八字腦

守仁遣槐領兵四百合饒州知府林城之兵乘閒攻九江

陽明集擒

獲宸濠捷音疏

槐督知縣傅南喬陶諤等分哨勦賊

陽明集收復九江

疏擒瑞昌

王拱枏將軍觀鋌等七人斬首三百餘級

耆舊傳

追至九江賊望

風遁追勦至湖口撫男婦萬餘復業斟酌被害輕重加意賑恤

人感更生

收復九江疏

遷江西按察副使守仁使押發宸濠詣行在

○案聞見漫錄上遣許泰張忠輩率師搗江西而守仁由浙獻

俘至廣信張忠奉命取囚槐請付與之不聽竟趨浙張永已到

杭州相邀守仁面奏目前急務宜表死節錄遺功寬脅從恤民

困上嘉納之時槐泊舟江上太監張永夜招槐過其舟密語曰
上欲得內外官交通宸濠姓名吾已得其籍猶未上事當若何
槐力陳其不可謂史載光武燒吏人交關王郎書使反側子自
安近日李賢奏請內外官與曹欽通者不問此俱聖王賢相事
上宜遠法光武公宜近學李賢爲萬世所頌若此事竟行非但
禍延天下卽公亦身爲怨藪將悔無及矣次日永再招槐執手
曰夜來思先生言誠大愛我卽取篋中交通書籍焚之槐復言
羣小導上欲航海觀普陀且聞聖體違和嘔血者三此誠可寒
心太皇太后命公扈駕正在今日公宜力勸上回蹕此萬世勦
也永乃危言脅江彬輩上遂班師值辰州苗叛改槐湖廣兵備
上念槐勞使扈從至京將用之未果會上崩耆舊傳閣部欲畱四
外家邊兵以守皇城槐告永曰此江彬羽翼當先翦除之永請

太后命賞各軍路費即日遣行遂擒彬聞見漫錄大學士楊廷和延

槐至室中曰久知公才煩為議遺詔所當行者槐為條列十事

元誤八今案聞見漫錄實十事廷和後不果用槐亦疾作引歸而御史楊材者

初為武昌屬吏有宿憾乃論槐前在郡觀望坐落職嘉靖初錄

平濠功僅得賜金綺○案明史黃綰傳諸有功若知府陳槐等多以考察黜綰訟之於朝得敘錄胡

世甯伍文定前後宣其功於朝王守仁亦極言其事有曰諸臣

聞臣檄召提兵而來甘粉蠶之禍蹈必死之地忠義顯然可見

今平難以來羣憎眾疾或虛受陞職之名而因使退閒或冒蒙

不忠之號而隨以廢斥曾無鳴其不平者槐即其一也耆舊傳及

守仁督兩廣復薦槐奮志忠節才既有為而又能不避艱險堪

勝江右兵備之任陽明集薦才贊理疏公論漸張已而守仁被誣竟不得

直耆舊傳居閒二十餘年論古今事變當成敗鑿鑿如指掌遇官

府及鄉黨不法事輒誦言攻之不少諱

嘉靖志

卒年八十一初槐

起知撫州道遇章懋曰公此行恐功名損於平日槐曰先生意

謂甯藩耶但彼今挾天子交結中朝貴人誠難與抗若一朝犯

順則豫章怨民俱其敵可不煩四方兵也槐至郡知宸濠待開

府大臣漸不以禮卽密啟孫燧出巡旁郡集糧厲士馬以防變

者舊傳

燧報以八月中相見密計不料其不逮也又請令各府選

兵會操巡道許達行之不密宸濠覺而遏之

全祖望陳公祠堂碑

及槐起

兵大學士費宏致書獎槐倡義尙以時事爲憂槐答言撫軍王

公才畧絕世天遺此老以拯社稷之難公無憂也後俱服其卓

識者舊傳

槐故廣德湖人湖田名官田租而不庸徵斂倍起儒士

楊欽走京師三上書乞復全折例槐爲刑部郎知湖賦害乃與

近御之臣陳說首尾而愆惠之始得俞旨

張時徹崇德祠記

嘉靖二十

三年鄉人請於守魏良貴聞志立祠祀焉祠堂碑子良言有傳

張邦奇字秀卿又字常甫號甬川家傳母方妊夢神人奉玉笈寶籤

相授及生有雲如蓋降於庭少資性絕人○案家傳六歲時松浦王公因食雞卵命

作破卽應曰論至微之物具天地之形公大異之以女許字卽王夫人也於書無所不讀精思善學

期造爲聖賢甬上耆舊傳年十五作易解及反騷嘉靖志○案家傳亦作著易解及反

騷惟明史本傳言登宏治十八年進士改庶吉士明史本傳非其人

不交非其物不取時然後言擇地而蹈嘉靖志內閣劉健李東陽

每稱之不容口名重館閣閒耆舊傳正德二年家傳授檢討本三年

同修孝宗實錄家傳值劉瑾竊政邦奇著張騫乘槎賦以瑾喻西

域騫喻附瑾者明儒學案六年家傳乞假歸省○案明詩人小傳邦奇在史館焦段諸人附瑾

熏灼邦奇以養親請外食貧而已孝事父母舉足發言率覘視容色爲進

退讀書之暇學統復從農豎治稼穡事蓋業已甘之而當道檄有

司勸且亟

嘉靖志

九年

家傳

至京師力求補外以便養親

嘉靖志

十年

家傳

出爲湖廣提學副使下教曰學不孔顏行不曾閱雖文如雄

褒吾且斥之

本傳

修岳麓明山二書院

耆舊傳

復修石首崇正書院

簡庠彥講肄其閒

荊州府志

在任三四年

○案家傳作在楚五載

諸生競力於

正學

湖北通志

時世宗方爲興世子獻皇遣就試乃特設兩案已居

北而使世子居南文成遂入學世宗由此知邦奇

本傳

十四年

復乞致仕

嘉靖志

嘉靖初提學四川以親老乞歸

本傳

七年

家傳

掌銓去畱天下提學官起邦奇福建

本傳

其教如湖廣

僚入坊局

本傳

十一月

家傳

改右庶子

本傳

兼翰林院侍講八年

家傳

南京祭酒以身爲教學規整肅

本傳

九年

家傳

遷南吏部侍郎丁外

艱歸帝嘗奉太后謁天壽諸陵語及擇相太后曰先皇嘗言提

學張邦奇器識他日可爲宰相其人安在帝憬然曰尙未用也

本
傳
十三年家服闋卽召爲吏部右侍郎本傳十四年家遷左侍郎

攝尙書耆舊傳掌部事推轂善類人不可干以私銓部升除多受

教政府邦奇獨否大學士李時銜之郭勛家人犯法昇重賄請

寬邦奇不從帝欲卽授邦奇尙書爲兩人沮止本傳十六年家改

掌翰林院事本傳上每閱邦奇章奏輒稱善以指書其名衣帶閒

宮監數望見以白邦奇邦奇答曰上用我當以堯舜之道進舍

我亦有田可耕此非吾所關心也諸璫爲色沮上數欲相邦奇

都尉崔元真人陶仲文俱上所最幸聞其語因各遣人道意但

一枉臨卽可得相邦奇終不往耆舊傳上又與夏言議用邦奇爲

相言退而相告且索海鯨邦奇語家人曰是欲吾賄之也吾豈

爲是哉敬止錄上慕道於無逸殿改稱永光宮欲令內直大臣簪

冠如道家夏言謀之邦奇答曰使我等背聖人不能從也母老

久思故鄉今日乞歸有名矣諸公任爲之上聞乃止

耆舊傳

十七

年主考會試尋爲玉牒纂修官

家傳

豐坊輯世統謂聖祖系出文

王宜建明堂封禪以示萬世爲圖說成帙獻之上惑其言心動

召所幸諸大臣與語俱請退諮邦奇邦奇曰其人少有文學行

多不檢聖朝豈乏此一人今郊廟土木大興疆場不靖若復有

此舉海內何堪諸大臣以復上上更召邦奇問對如初上乃止

坊竟不用

耆舊傳

十八年冊立皇太子

家傳

加邦奇太子賓客

本時傳

景裕二王同日冊封朝議謂秦晉齊楚建國甚多今宜營浙閩

以均民力邦奇獨不可曰江南財賦所出且接壤畱都國初封

吳王卽改於周二百年來誰敢復建此議事遂寢太后將合葬

顯陵上召諸大臣曰廷臣惟張邦奇至孝可授禮部尙書兼都

御史以行郭勛奏曰邦奇雖誠謹然其才不足大用且年淺嚴

嵩久嫉邦奇亦奏曰國家禮卿無兼憲職例上默然而罷耆舊傳

十九年開經筵邦奇充日講官○案本傳敘充日講官在加太子賓客上誤二十年

家傳改掌詹事府九載考績晉禮部尚書以母老欲便養乃改南

京吏部○案明詩人小傳邦奇在銓部汪霍爭寵張桂驕橫雖上有意嚮用而卒以母老乞南復改兵部

參贊機務帝猶念邦奇時與嚴嵩語及之嵩曰邦奇性至孝母

老不樂北來本傳即強之必不為用也耆舊傳上信其言遂不召二

十三年本傳十月家傳雷震金陵夜分星隕於江占者謂應在德望

重臣次日邦奇不能冠櫛卒年六十一是日鄞江潮亦涌起高

丈餘上聞訃驚悼數曰張某可惜即面諭輔臣遣卹後閣中擬

謚以文恪文敏進上於疏右御書云人謂張邦奇真道學抹去

原擬恪敏字大書定字於後耆舊傳贈太子太保邦奇之學以程

朱為宗與王守仁友善而語每不合躬修力踐跬步必謹本傳居

常危坐一榻自朝至於日中昃不懈目無流視耳無傾聽口無

誕語

嘉靖志

晝之所爲夕必書於冊性篤孝以養親故屢起輒退

其母後邦奇卒壽至百歲

本傳

邦奇傷其兄之早亡每忌日輒泣

涕不食

嘉靖志

事寡嫂如事母

本傳

念鮮兄弟請其父置貳室得兩

弟凡俸入所置產皆均給之爲政務持大體不斤斤小苛每言

事未嘗不引天下長者行方而謙色溫而厲

嘉靖志

所著傳說及

文集粹然出於正

本傳

弟邦俊見其子子瑄傳邦韶字舜甫嚴毅

端方由太學生除魯府奉祀邦禮字仲約自少居父喪躡踊苦

塊如成人官鴻臚序班邦奇子子中字伯元以蔭授都督府都

事陞宗人府經歷

家傳

萬歷閒官兩淮鹽運同知

揚州府志

法平準以

佐用有能聲

家傳

隆慶三年知思州府

貴州通志

俗獷而黠子中以寬

大鎮物以鈎距釐姦民畏愛甚

家傳

復議遷府城於平溪衛城

貴州志

志 歷仕二十餘載宦橐無贏室廬如故胡宗憲以禦倭臨郡乘

醉多妄殺子中力規之宗憲愧謝以寶刀付從者遇酖醢或命

行刑舉示卽止後宗憲受誣被逮子中具百金促沈明臣赴都

白枉狀故雖死而事得雪子中與有助焉子釋字仲贇由太學

生授江西布政司都事子思字叔欽家傳萬厯中以歲貢任孝豐

訓導孝豐縣志○案歲時必講讀臥碑勉以遵守弗失邑士彬

彬禮讓無以佻撻聞者秩滿遷湯溪教諭家傳

杜常字中經孝友天至逮事王父母極誠供奉竭力窀穸之事有

第三人○案聞志作二人悉推世業與之平生不妄言笑御家莊而有

禮女婦皆治蠶織戶庭之內肅不聞聲曹志成人之婚助人之葬

筐篚賻贈之繁不爲厭焉與人言以仁孝慈讓相勉里鄰稍有

不戢事必相戒毋使杜長公知聞志初爲奉化功曹同曹掾有患

痢疫者躬親湯藥或竟夕不還其人有妾每往必與其僕偕明

燭達旦尋移役蘭谿

○案聞志作慈谿

道拾遺金往跡其人還之蘭谿

章懋深相契重

曹志

後授廣西龍江驛丞有以毒藤自殺者誣怨

家所殺郡守具獄當其死憲司移常覆訊輒白其冤守惡其反

也咎之常曰咎我不猶愈於殺人以免乎會征蠻之役幕府檄

從軍疾作而卒子鶚字薦夫隨父在龍江時用兵供億具在實

帙鶚代父催課徭人感其誠信亦委輸焉及父卒崎嶇萬里奉

櫬扶母以歸孫思自有傳

聞志

戴圭字秉誠潛心力學踐履篤實居常語人曰學要謹獨誠意以

修身不怨天不尤人久之則與天一嘗揭諸屋楹曰人中合下

渾無我地上原來都是天張邦奇見而亟稱之其徒汪玉言曰

吾執業戴先生門先生年甫三十餘貌甚壯氣甚和言甚簡重

動止甚矩度讀書能精思所造可謂深且微矣是時所業不過時義而每迪玉古人之道至今思其言不忘云圭性謹厚衣冠儼然與親友高會談道理論當世事竟日未嘗出一時俗語至易簣之日語子乾曰大學語孟首章皆是天命之性聖賢之言一轍也又曰我平日所著書卻是有用後來必有知者人稱爲

野橋先生

嘉靖志

鮑倫字孟彝甫七歲父鱗遊學吳楚莫知所向母孫氏撫倫稍長

輒治賈養母必得歡心朔望焚香哀禱願父子終相見如是者二十年忽有老人自慈谿來謂倫曰汝父曩與我客湖廣至漢陽東塢授徒贅婦生二女不幸死矣盍往歸其尸已而至慈谿遍訪老人不得乃從所指示詣漢陽跡之皆符婦家疑有他意訟於縣倫情弗卽白繫於獄數年縣上府府上監司謂疑獄錄

有刺血驗骸骨事親按墓所發棺命倫咬指滴血直入枯骨其情始決倫卽買棺殮以已附體之衣訴乞歸葬監司允之表其空穴曰孝子冢監司卽慈谿顧英也前所與語老人殆天啟之倫至家人多惑以陰陽術弗聽扶柩入室苦塊哀毀不踰旬妻妾子女死者七人靡有子遺亦無悔卜兆葬焉越數年復生子女各一倫性慈好施歲大饑老嫗市布爲假銀者紿求死倫憫之易其銀投之江中見書字棄道旁不問污穢付之水火佃穫弗給反助之候明秋來償亦不取其息甬東路衝魚鹽卽大旱斥鹵多污衣履倫捐金伐石鑿成坦遂且暗爲水道雖大潦無渟渟已而見所鑿之石隱隱有巒嶂松竹若圖畫然觀者如市

咸謂倫仁孝所徵云

嘉靖志

薛通字德明朋龜裔自鄞徙定海嗜善好施人告以不給輒捐所